



Inatsisartuni ilaasortaq,
Siverth K. Heilmann
Atassut
Maani/

Kapisilinnik tukertitsivimmik aallartitsisinnaaneq pillugu § 37 naaportorlugu apeqquteqaat nr. 61-2021-mut akissut.

Ulloq: 08-06-2021
Suliap normua: 2021 - 10818
Allakkiap ilisarnaataa.:
16980321

Inatsisartut suleriaasianni § 37 naaportorlugu Kalaallit Nunaanni kapisilinnik tukertitsiviliorsinnaanermut periarfissat pillugit Naalakkersuisunut apeqquteqaateqarputit. Apeqquteqaatitit uannit akisassanngorlugit innersuunneqarput.

Imaneq 1A 8. sal
3900 Nuuk
Oqar. (+299) 34 50 00
Fax (+299) 34 63 55
E-mail: pan@nanoq.gl
www.naalakkersuisut.gl

1. Nunatsinni kapisilinnut tukertitsiveqalersinnaanera, Nunani allani aningaasarsiornikkut tapertaalluartut atugaalluartullu, Naalakkersuisut nutaat qanormita pilersitsivigineqarsinnaanera pimoorutsiginiarpaat?

Akissut:

Suliffissuarnik nutaanik, aningaasaqarnitsinnut nukittortitseqataasinnaasunik ineriartortitsinissamut tapersiinissaq Naalakkersuisut soqutigisariuaannarpaat. Kapisilinnik tukertitsivimmik aallartitsinissamik kissaateqaraanni, suliassami najukkami pissutsit eqqarsaatigineqarnissaat pingaaruteqarpoq.

Naalakkersuisut suliniuteqarusullutik aallartitsiniartunut, aalisakkanik tukertitsisarnermik aallussa qarusuttunut tapersiinissamut aningaasanik piareersimasuutitaqarput. Nunanut Allanut, Inuussutissarsiornermut, Niuernermut Silallu Pissusianut Naalakkersuisoqarfiup kiffartuussinissamut isumaqatigiissut aqutugalugu Innovation Greenlandimut aningaasaliissutinit inuussutissarsiornermi siunnersuisarnermut inuussutissarsiornermilu tapersiisarnermut immikkoortitaqarpoq. Taamaattumik aallartitsiniartut suliatic pillugit Innovation Greenlandimut siunnersorneqarnissaminnik tapiiffigineqarnissaminnillu qinnuteqarsinnaapput.

2. Imartatta sikuusarnera sikorsuaqartarneraluunniit ajornartorsiutaavoq, tamannali uniffigiinnarnagu nunap qaani illorsualiornikkut Island-imisulli pilersitsiniarsinnaaneq isumaqatigineqarnerluni?

Akissut:

Ataatsimut isigalugu aaqqiissutissanik nutaanik, najukkatsinni pissutsinut naleqquttunik nassaarniarloqarnissaa Naalakkersuisunit ammaffigineqarpoq.

**2.a. Isumaqatigineqarpat Royal Greenland
pisussaafililerneqarsinnaaneranut oqaloqatigiinnissamut Naalakkersuisut
piumassuseqarsinnaanerlutik?**

Akissut:

Naalakkersuisut isumaqarput, namminersortut suliniuteqarnerisigut aalisakkanik tukertitsiviliornermi sulianik aallartitsisoqartariaqartoq, tassungalu ilanngullugu Royal Greenland suliat imminut akilersinnaasutut naliliiffigineqarpata soorunami aamma suliassanik aallartitsisinnaavoq.

**2.b. Apeqqummut 2.a-mut atatillugu RG-p tukertitsiviliornissamut
pisussaaffeqarusussanngippat, Naalakkersuisut namminersortunut
kaammattuuteqarnissaminnut piumassuseqarnerlutik?**

Akissut:

Apeqqut 2.a-mut akissut takuuk.

**3. Maniitsumi RG-p aalisakkanut suliffissuaata eqqannguaniippoq
illorsuatoqarsuaq toqqorsivittut atorneqaannartoq. Isateriarlugu
nunaminertangaatsiaq siunertamut atorneqarsinnaanera ilanngullugu
aningaasartuutaasinnaasut Naalakkersuisut paasissutissiisinnaanerlutik?**

Akissut:

Naalakkersuisut paasissutissanik taamaattunik peqanngillat.

**4. Apeqqut 3-imi innersuunneqartumi Maniitsullu nunataata ilaani
kommuune innuttaasullu innersuussutissaqanngippata, Naalakkersuisut
illoqarfik sumi kapisilinnut tukertitsiviliorniarneq piukkussaqaarnerlutik?**

Akissut:

Naalakkersuisut illoqarfiit suut kapisilinnik tukertitsiviliorfigineqarsinnaanerlutik paasissutissanik peqanngillat.

**5. Pinngortitaq allanngoriartuaartoq aqussinnaanngilarput,
aningaasarsiornerput ataavartuujuarnissaa aqutissiuunneqassappat,
kingulissagut taakkulu kinguaavi atugaasa isumannaatsuunissaannut
aqutissiuussiarnermut Naalakkersuisut tapersiisinnaanerlutik?**

Akissut:

Aap.

6. Misilittagaareersut pillugit soorlu Island-imi nunanilumi allani paasisassarsiorsinnaanermut ataatsimiititaliaq susassaqtut peqatigalugit Naalakkersuisut suleqataarusunnerlutik?

Akissut:

Naalakkersuisuniit ataatsimiititaliaq suleqatigineqarusupput. Naalakkersuisut maannarpiq kapisilinnik tukertitsisarneq pillugu misilittakkanik katersuiffiusumik Islandiliartitsinissamut pilersaaruteqanngillat. Naalakkersuisut isumaqarput, sullissisut namminersortut aalisakkanik tukertitsisarnermi suliassanik aallartitsisuusariaqtut.

Inussiarnersumik inuulluaqqusillunga



Kalistat Lund